



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Art. 6. Vtrum homo, omnia quæ vult, velit propter finem ultimum.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

Quæst. I. De ultimo fine hominis. Art. 6.

prime efficientes, ita nec plures fines ultimi. Addit, esse malum & contra rectam rationem, constituere sibi plures fines: vnde Deus non potest ad hoc cooperari supernaturali modo, sicut potest cooperari ad hoc, ut duas cause efficientes proferant eundem effectum.

ARTICVLVS VI.

*Vtrum homo omnia quæ vult,
velit propter finem
ultimo?*

Conclusio est affirmans. Loquitur autem D. Thomas de fine ultimo in genere, qui est, esse beatum; seu, esse quam optimè. Notandum, tribus modis aliquid appeti propter finem. Primo, ex vi praesentis intentionis. Secundo, ex vi intentionis quæ precessit. Tertio, intentione interpretativa, id est, quæ ex ipsa natura operis, siue ex naturali perfectione voluntatis censetur esse. Nunc

DVBIVM EST,

*Quoniam modo ex his tribus appetantur
omnia propter finem ultimo
in genere?*

D. Thomas hic ad 3. insinuat secundum modum, scilicet ex virtute praecedentis intentionis. Et ita multi Thomista tenent. Idem videtur sentire Durandus in 4. d. 49. quæst. 4. num. 8.

Sed contra, Primo, Multa appetimus cum primum venimus ad usum rationis; ut cibum, potum, vestem, lusum &c. & tamen numquam ante cogitaueramus de ultimo fine, aut haec esse appetenda propter illum: non ergo omnis appetitio prouenit ex vi intentionis ultimi finis quæ precesserit.

Secundo, Ut aliquid dicatur appeti ex vi praecedentis intentionis; non sufficit ut intentio talis finis, vel ordinatio actionum nostrarum ad talem finem precesserit; sed neccesse est ut post se reliquat aliquem effectum: Vt effectuum continuatam seriem, ex quorum ultimo talis appetitio sequatur vel actio. Et ratio est, quia intentio debet habere aliquam vim & influxum in ultimum opus quod ex vi illius fieri dicitur, saltem mediata; alioquin nulla est causa cur opus ex illius virtute dicatur profici. Patet exemplo. Cum quis intendit celebrare, ex vi huius intentionis sequitur alia voluntas, scilicet adiungi templum: ex hac, sequitur itio usque ad locum; ex loci & vestimenti presentia, sequitur voluntas se vestiendi & ipsa vestitio; hinc itio ad altare; hinc lectio totaque actio sacra & sacrificatio, animo etiam nihil cogitante de sacrificio, sed omnino distracto. Si haec series interrumpatur, opus est noua intentione actuali; ut si quis vadens ad sacram, abducatur à via; vel si quis in sacro committat errorem. Nunc subsumo: atque non cernitur talis coherentia & connexio omnium nostrarum appetitionum cum appetitione ultimi finis: ergo non sequun-

tur ex virtuali intentione finis. Vide Scotum in 4. d. 49. q. 10. §. Ex his sequitur. Vbi sententiam illam refutat.

Respondeo igitur, Non hoc sensu dici omnia appeti propter ultimo finem, sed iuxta tertium modum; nempc, quia omnis appetitio boni partitum, censetur sequi ex appetitione boni integræ, idque ob duas causas. Prior est, quia omne bonum partiale natura ordinatur ad completionem boni integræ ipsius suppositi; sicuti omnis pars natura ordinatur ad totum. Secunda, quia voluntatis inclinatio per se primæ tendit in bonum adæquatum suppositi: in bonum autem singularium potentiarum tendit quasi secundario, quatenus hoc bonum est necessarium ad bonum integrum suppositi. Itaque omnis inclinatio & affectio voluntatis in bona particularia, secundum estimationem moralem censetur sequi ex affectu boni integræ, quod est ultimus finis in genere; scilicet, esse optimè. Fortasse D. Thomas nihil aliud voluit.

Ex his soluitur argumentum eorum, qui existimabant omnia opera Infidelium esse peccata; eò quod Infideles aliquando se & omnia sua retulerint ad honorem Idoli, tamquam ad ultimum finem. Nam esto aliquando sic retulerint, non tamen dum illa faciunt, faciunt ex vi illius praecedentis intentionis: nam ex illa intentione non sequitur aliqua continua ^{et à Pio V.} serio X 11 1. ries, vel aliquis effectus, vnde proximè omne ^{ac non nisi} opus illorum prodeat. Sed neque interpretatur ^{mè anno} omnia faciunt propter honorem Idoli; quia faciunt multa opera indifferentia, quæ natura ^{1641. ab Vrto} bona VIII. ^{speciali} non tendunt ad honorem Idoli: faciunt ^{confusa} etiam multa opera moraliter bona, quæ natura ^{tione} non ad honorem Idoli, sed veri Dei tendunt. Omne enim opus virtutis natura cedit in honorem veri Dei, ac proinde interpretatione censetur propter Deum fieri.

Dices, Causa secunda officiens non potest mouere seu efficere nisi cooperante causâ primâ efficiente: ergo similiter finis particularis non potest mouere voluntatem, nisi simul cooperante fine ultimo.

Respondeo Primo, Si hoc argumentum valeat, conuinceret omnia appeti ab homine ex actuali intentione finis ultimi; quod tamen illi non concedunt.

Respondeo Secundo, Finem ultimo in omni motu voluntatis cooperari fini particulari: non quod moueat immediatè voluntatem hominis, aut quod homo velit propter illum; sed quia causa prima cooperatur homini in omni voluntate, idque propter ultimo finem. Dum enim homo aliquid vult ob aliquem finem particularcm, Deus cooperatur eius voluntati ob finem uniuersalem seu ultimum. Et ita fit ut finis ultimo concurrat non tantum ad omnem motum voluntatis, sed etiam ad omnem operationem creature.

A iiij DVBIVM

DVBIUM II.

Vtrum hoc modo omnia que homo appetit, appetat ob ultimum finem in particulari consideratum, qui est Deus?

16
Dupliciter aliquid appetitur propter Deum.

Notandum est, hominem dupliciter posse aliquid appetere propter Deum. Primo, ut Deum honoret, vel ei gratificetur. Secundo, ut Deum consequatur tamquam summum bonum. Nunc Respondeo, Homo sola obiecta honesta, hoc modo, scilicet interpretatiue; appetit propter Deum.

Ratio est, quia haec sola natura suâ tendunt ad Dei honorem, suntque media ad Deum consequendum: ergo haec sola censentur fieri ex affectu voluntatis in Deum. Indifferenta, ut talia sunt, non censentur appeti propter Deum: quia neque illis Deus honoratur, neque sunt media promerendi Deum. Multo minus ea quibus conexa est malitia venialis vel mortalvis; absurdum enim est dicere eum qui fornicatur; appetere illum delectationem propter Deum, tamquam ob ultimum finem; Deumque plus diligi in huiusmodi delectatione, quam ipsam delectationem; ut quidam videntur dicere. Nam illa appetitio nullo modo sequitur ex affectu erga Deum; neque natura suâ ducit in Deum, sed abducit; neque honorat, sed inhonorat.

In omni bono quod appetitur, an Deus appetatur.

Dices Primo, Omne bonum est quædam Dei participatio; ergo in omni bono appetitur ipse Deus.

Respondeo Primo, Hinc non sequi omne bonum appeti propter Deum, sed potius est contrario Deum appeti propter quodvis bonum. Appetitur enim in omni bono ut Deus sit, ut videlicet illud bonum quod amatuerit esse possit, quod sine Deo esse nequit.

Secundo, Fateor in omni bono appeti quædam Dei imitationem analogam. Hinc tamen non sequitur appeti ipsum Deum, nisi quali ratione etiam bruta & omnes creaturae quædam Dei imitationem appetunt. Et sic D. Thomas 1. p. qu. 6. art. 4. ad 2. dixit omnia appetendo propriam perfectionem, appetere Deum; quatenus perfectiones omnium rerum, sunt quædam similitudines diuini esse. Verum talis locutio non est propria.

Dices Secundo, Qui appetit bonum partiale, magis appetit bonum integrum, in quo omnia partialia continentur. Sed omne bonum creatum respectu Dei est veluti particula; ergo &c.

Respondeo, Maior tantum est vera de bono integro quod componitur ex bonis illis particularibus: tale autem bonum non est Deus.

Dices Tertio, Omnis appetitio boni censetur esse propter ultimum finem in genere, qui est plenitudo boni & carentia mali; atqui iste ultimus finis reuera continetur in Deo; ergo omnis appetitio boni censetur esse propter Deum.

Respondeo, Negando Consequentiam; tum quia illa plenitudo boni quam homo desiderat, est quid communis & abstractius quam Deus. Tum quia non continetur in Deo nisi obiectiu vel causaliter, non autem formaliter. Tum deinde quia sufficit distinctio rationis, ut alterum

sine altero appeti possit; vt patet in attributis diuinis: multi enim amant Dei Misericordiam, & oderunt ipsius Iustitiam; cum tamen haec sola ratione distinguantur.

Dices Quartu, Si sola obiecta honesta hoc modo in Deum tendunt; ergo quotiescumque homo appetit aliquid ob delectationem vel commodum naturæ, appetit illud ut ultimum finem (quia appetit illud propter se, & nullo modo refert in Deum) ac proinde peccat mortiferè: quod tamen est falsum; quare & illud ex quo sequitur.

Respondeo, Appetit illud ut ultimum finem operis, non autem ut ultimum finem operantis, unde ob hanc causam nullum est peccatum. Quia etsi ultimum finem operis statuat in aliquo obiecto delectabili, non tamen suum finem ultimum in eo ponit.

ARTICVLVS VII.

Non habet peculiarem difficultatem. Vide D. Thomam.

ARTICVLVS VIII.

Vtrum omnes Creatura habeant eundem ultimum finem?

Conclusio est, Omnes creaturas habere eundem ultimum finem tamquam rem cuius gratia sunt; non tamquam rem, quam adipiscantur.

Notandum est, cum Deus dicitur finis omnium creaturarum, non esse intelligendum de fine qui intenditur, sed cuiusquid D. Thomas hic videtur accipere per finem cuius gratia (cum tam Aristoteles quem hic citat, per finem cuius gratia, intelligat rem illam quæ intenditur.)

Quomodo Deus sit finis omnium Creaturarum.

Finis autem qui intenditur in omnibus creatis, est gloria Dei extrinseca, quæ consilit in duabus, sed diuerso modo. Nam obiectiu constituit in eo quod diuinae perfectiones, potentia, sapientia, misericordia, iustitia, ceteraque attributa, in creaturis tantum sunt in effectis & quasi speculis resplendent: formaliter vero consistit in eo quod creatura rationalis illas cognoscat, amet, veneretur, & laudet. *Gloria Dei in quo consistat.*

Gloria enim formaliter est clara cum laude notitia; teste Cicerone. Seu est notitia alterius excellentiæ, parvens amorem, venerationem & laudem. In-

trinsicæ Dei gloriae obiectiu consistit in excellentiæ & veluti luce diuinarum perfectionum;

formaliter in notitia & amore eterno sui.

Quod autem Deus sit finis cui omnium creaturarum; gloria vero Dei sit finis qui, patet Proverb. cap. 16. *Omnia propter semetipsum operatus est Dominus:* Nempe tamquam propter eum, cui quæritur vel intenditur aliquod bonum per totam creaturarum collectionem. Non potest autem Deo queri aliquod bonum intrinsecum, ipsum perficiens; cum per essentiam suam sit infinitè perfectus: ergo intenditur bonum aliquod Dei extrinsecum, quod perficiat ipsas creaturas: hoc autem non potest esse aliud quam gloria Dei. Quod patet. Tantum enim sunt duo genera bonorum extrinsecorum;

dijitiae